



Knud Kleemann
Atassut

UKA 2025/90
8. oktober 2025

Nunatsinni tarnip pissusaanik ilisimatusarnerup iluani ilinniarfimmik imaluunniit pikkorissaanernik pilersitsisoqarnissaannik pisariaqartitsineq kiisalu taakku aningaasaqarnikkut allaffissornikullu kingunerisassaatt pillugit Naalakkersuisut nassuiaasioqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortat Mariane Pavisen Jensen, Paarma Lund Kreutzmann, Inuit Ataqatigiit)

Atassummiit siunnersuuteqartut qutsavigerusuppagut siunnersuut pisariaqarlunnartoq, nunatsinnilu ingerlariaqqinnissatsinnut siunertaqartumik siunnersuuteqarmata.

Nunatsinni ajornartorsiuteqarpugut. Tarnikkut katsorsagassat amerlasoorujussuupput. Ajorluartumillu takussutissat amerlaqaat. Meeqqanik sumiginnaanerit, pinngitsaaliinerit, imigassamik ikiaroorartumillu atornerluinerit, imminut toquttarnerit, toqutsinerillu assortorsinnaangisatsinnik amerlavallaarujussuarput.

Iliuuseqavissortariaqarpugut, uaguttaaq aamma Atassummiit siunnersuuteqarpugut tarnip pissusaanik oqaloqateqarsinnaanerup annertusarnissaa pillugu. Siunnersuuteqartuusilu aamma isumaqatigilluinnarpassi ilinniartitaanikkut iliuuseqarumallusi siunnersuuteqarassi.

Aaqqikkusutarpummi kialluunniit assortornavianngilaa. Isumaqarpugullu aqqutissat tamaasa atorlugit tarnikkut katsorsartissinnaanissamut annerusumik periarfissaqalernissaa ornittariaqaripput.

Nalunaarusioqqaartariaqassagutta Atassummiit peqataasinnaavugut. Naak tarnip pissusaanik atorfissaqartitsineq kisitsiserparujussuarnik uppersarnerqarsinnaagaluartoq, nalunaarusiami akineqarsinnaappat QANOQ tamanna anguneqarsinnaanersoq ilaana peqataaffigissavarput.

Taamatut oqaaseqarluta Atassummiit siunnersuut akuersaarlugu taperserparput.